

Miljö - Wellkumme en Veedeldelphia

M+T: Nils Schreiber, Mike Kremer

© 2025 Edition Miljö / ROBA, Edition Arcade Island / ROBA

Ich kenn en jroße Stadt, nit wigg vun hee en mingem Kopp
Do han all Färve Platz un die Minsche sin jot drop

Wo jeder fründlich es, sujar der Köbes laach
Stroße voll met Lävve, et es Wocheengk aan jedem Dag

Häs do falsch jepark, kriss do Blömsche aan de Schief
De Politess verdeilt hee statt Knöllche nor ne Liebesbreef

Dä Fluss hät 30 Jrad zo jeder Johreszigg
Im Sommer sujar Badeschaum, dröm verjess ding Schwimmbotz nit

Wellkumme en Veedeldelphia
Kumm mer maache Wunder wohr
Baue uns met Fantasie uns eijen Paradies
Veedeldelphia

Dat Kölsch kütt us der Leitung vum Zapphahn aan der Wand
Et sin nor fünf Minutte vun dinger Dür zom Strand

Wo Busse op dich waade un Bahne pünktlich sin
Jeder kütt bei uns vorbei, keiner well mih noh Berlin

Prinz Poldi Bürgermeister, FC spillt international
All Bröcke endlich fäädisch, sujar die jroße Kathedral

Et rüch noh Ruseduff om Klo in jeder Schull
Uns Pänz, die liere Kölsch un dreimol null es null, es null

Alles fährt hee met Solar, Sunnesching et ganze Johr
Bruche kei Latääneleech, strohle selvs vür Zoverseech

Wellkumme en Veedeldelphia
All ding Fründe sin schon do
Wellkumme en Veedeldelphia
Kumm mer maache Wunder wohr